

KOMMISJONSVEDTAK**2011/EØS/71/24****av 13. desember 2006****om endring av vedtak 2005/176/EF om fastsettning av rapporteringsform og kodar for melding av dyresjukdommar i medhald av rådsdirektiv 82/894/EØF(*)***[meldt under nummeret K(2006) 6437]*

(2006/924/EF)

KOMMISJONEN FOR DEI EUROPEISKE FELLESSKAPA
HAR —

med tilvising til traktaten om skipinga av Det europeiske fellesskapet,

med tilvising til tilmeldingstraktaten for Bulgaria og Romania, særleg artikkel 4 nr. 3,

med tilvising til tilmeldingsakta for Bulgaria og Romania, særleg artikkel 56,

med tilvising til rådsdirektiv 82/894/EØF av 21. desember 1982 om melding om dyresykdom i Fellesskapet⁽¹⁾, særleg artikkel 5, og

ut frå desse synsmåtane:

- 1) I kommisjonsvedtak 2005/176/EF er det fastsett rapporteringsform og kodar for melding av dyresjukdommar i medhald av rådsdirektiv 82/894/EØF⁽²⁾.
- 2) I lys av tilmeldinga av Bulgaria og Romania bør vedtak 2005/176/EF tilpassast.
- 3) I avgjerd nr. 1/2001 til Fellesutvalet EU-Færøyane av 31. januar 2001 om fastsettning av føresegner for gjennomføring av tilleggsprotokollen om veterinærspørsmål til avtala mellom Det europeiske fellesskapet på den eine sida og den danske regjeringa og heimestyret på Færøyane på den andre⁽³⁾ er det fastsett at Færøyane skal ta del i systemet for melding av dyresjukdommar (ADNS).
- 4) Færøyane har sendt over til Kommisjonen ei liste over dei regionane der ADNS vil verte nytt. Desse regionane bør difor først opp i vedtak 2005/176/EF.

(*) Denne fellesskapsrettsakten, kunngjort i EUT L 354 av 14.12.2006, s. 48, er omhandlet i EØS-komiteens beslutning nr. 132/2007 av 26. oktober 2007 om endring av visse vedlegg og protokoller til EØS-avtalen, se EØS-tillegget til Den europeiske unions tidende nr. 19, 10.4.2008, s. 1.

(¹) TEF L 378 av 31.12.1982, s. 58. Direktivet sist endra ved vedtak 2004/216/EF (TEU L 67 av 5.3.2004, s. 27).

(²) TEU L 59 av 5.3.2005, s. 40.

(³) TEF L 46 av 16.2.2001, s. 24. Avgjerd endra ved avgjerd 2/2005/EF (TEU L 8 av 13.1.2006, s. 46).

5) Spania har ajourført namna og grensene til veteranærregionane sine. Ajourføringa av dei spanske regionane verkar inn på ADNS slik det er fastsett i vedtak 2005/176/EF. Dei noverande regionane i ADNS bør difor bytast ut med dei nye regionane.

6) På generalforsamlinga si i mai 2005 vedtok Verdsdyrehelseorganisasjonen (OIE) eit revidert kapittel om aviær influensa der det med verknad frå 1. januar 2006 vert innført plikt om å melde frå til OIE om både sterkt sjukdomsframkallande aviær influensa og svakt sjukdomsframkallande aviær influensa. For at det skal vere mogleg å skilje mellom meldingar til ADNS om utbrot av sterkt sjukdomsframkallande aviær influensa og utbrot av svakt sjukdomsframkallande aviær influensa, bør dei to sjukdommane først opp med to ulike kodar.

7) For at det skal vere mogleg å skilje mellom meldingar om utbrot av aviær influensa hjå ville fuglar og hjå tamfjørfe, bør det nyttast ulike kodar for desse ulike typane utbrot.

8) Vedtak 2005/176/EF bør difor endrast.

9) For å sikre konfidensiell handsaming av dei opplysningane som vert sende over, bør vedlegga til dette vedtaket ikkje offentleggjera.

10) Dei tiltaka som er fastsette i dette vedtaket, er i samsvar med fråsegna frå Det faste utvalet for næringsmiddelkjeda og dyrehelsa —

GJORT DETTE VEDTAKET:***Artikkkel 1***

I vedtak 2005/176/EF vert det gjort følgjande endringar:

1. Vedlegg IV, V og X/11 vert bytte ut med teksta i vedlegg I til dette vedtaket.
2. Teksta i vedlegg II til dette vedtaket vert sett inn i vedlegg X.

Artikkel 2

Dette vedtaket skal nyttast frå 1. januar 2007.

Oppføringa av Bulgaria og Romania i vedlegg IV og X til vedtak 2005/176/EU skal gjelde med etterhald for og frå den datoен då tilmeldingstraktaten for Bulgaria og Romania tek til å gjelde.

Artikkel 3

Dette vedtaket er retta til medlemsstatane.

Utferda i Brussel, 13. desember 2006.

For Kommisjonen

Markos KYPRIANOU

Medlem av Kommisjonen
